

Na osnovu člana 99. stav 3. Zakona o upravi ("Službeni glasnik BiH", br. 32/02, 102/09 i 72/02), a u vezi sa članom 64. Zakona o državnoj službi u institucijama Bosne i Hercegovine („Službeni glasnik BiH“, br. 12/02, 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12), te na osnovu tač. 28. i 29. Instrukcije o postupku revizije zapošljavanja, broj 01-02-1064/04 od 31. decembra 2004. godine, Agencija za državnu službu, donosi

**UPUTSTVO
O IZMJENAMA I DOPUNI UPUTSTVA
O SLUŽBENOJ LEGITIMACIJI – ISKAZNICI
AGENCIJE ZA DRŽAVNU SLUŽBU BOSNE I HERCEGOVINE**

Član 1.

U Uputstvu o službenoj legitimaciji – iskaznici Agencije za državnu službu Bosne i Hercegovine, broj 01-50-220-1/14 od 14. maja 2014. godine, iza člana 1. dodaje se novi član 1a. koji glasi:

Član 1a.
(Jezik i rod)

Izrazi i pojmovi napisani u ovom uputstvu samo u muškom ili ženskom rodu odnose se podjednako na muški i ženski rod, dok će se u primjeni ovog uputstva u označavanju funkcija, zvanja i titula upotrebljavati gender senzitivni jezik.

Član 2.

Član 5. se mijenja i glasi:

„Član 5.
(Funkcija i pravo na legitimaciju)

(1) Funkcija sadrži skraćeni naziv funkcije, odnosno radnog mjesta lica koje ima pravo na legitimaciju („direktorica/ravnateljica – sekretar/tajnik sa posebnim zadatkom“, „pomoćnik direktora“, „savjetnik direktora/ravnatelja“, „šef odjeljenja“, „šef odsjeka“ i dr.).

(2) Pravo na legitimaciju imaju, osim direktora/ravnatelja, pomoćnici direktora, savjetnik direktora, šef Odjeljenja za upravljanje ljudskim potencijalima, reformu javne uprave i evropske integracije, te šefovi odsjeka. Ostala lica zaposlena ili angažovana u Agenciji mogu imati pravo na legitimaciju ako im to pismenim rješenjem odobri direktor.“

Član 3.

Član 9. mijenja se i glasi:

Član 9.

(Prelazna odredba)

(1) Do sada izdate legitimacije se povlače i komisijski uništavaju u skladu sa članom 6. stav (5) ovog uputstva.

(2) U roku od 15 dana od dana stupanja ovog uputstva pokrenut će se postupak izdavanja novih legitimacija licima koja imaju pravo u skladu sa ovim uputstvom.

(3) Za realizaciju ovog uputstva zadužuje se Odjeljenje za upravljanje ljudskim potencijalima, reformu javne uprave i evropske integracije.

Član 4.

U obrascu službene iskaznice – legitimacije državnih službenika i zaposlenika u Agenciji za državnu službu Bosne i Hercegovine, koji predstavlja prilog ovog uputstva, riječ „Direktor“ zamjenjuje se riječju „Ravnateljica“.

Član 5.

Danom stupanja na snagu ovog uputstva stavlja se van snage Rješenje o listi funkcija i lica Agencije za državnu službu kojima se utvrđuje pravo na službenu legitimaciju, broj 01-50-220-2/14 od 7.12.2017. godine.

Član 6.

Ovo uputstvo stupa ra snagu danom donošenja i objavljuje se na oglasnoj tabli Agencije.

Broj: 01-50-220-3/14
22. studenog 2023. godine
Sarajevo

Ravnateljica

Anita Markić

**OBRAZAC SLUŽBENE ISKAZNICE - LEGITIMACIJE DRŽAVNIH
SLUŽBENIKA I ZAPOSLENIKA U AGENCIJI ZA DRŽAVNU SLUŽBU
BOSNE I HERCEGOVINE**

Prednja strana iskaznice

BOSNA I HERCEGOVINA AGENCIJA ZA DRŽAVNU SLUŽBU		
 Fotografija	SLUŽBENA ISKAZNICA LEGITIMACIJA BROJ ____	
	Ime i prezime Službeno zvanje	

Zadnja strana iskaznice

Ova službena legitimacija — iskaznica je javna isprava koja dokazuje da je njen nosilac službeno lice Agencije za državnu službu Bosne i Hercegovine, koje ima prava utvrđena Zakonom o državnoj službi u institucijama Bosne i Hercegovine, Zakonom o upravi, Zakonom o upravnom postupku, njihovim podzakonskim aktima i drugim relevantnim propisima kojima se reguliše rad institucija Bosne i Hercegovine.
(Ravnateljica Agencije)